

Agenda – Y Cyfarfod Llawn

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 15 Ionawr 2025

Amser y cyfarfod: 13.30

253(v3)

Cynhelir y cyfarfod hwn ar ffurf hybrid, gyda rhai Aelodau yn Siambr y Senedd ac eraill yn ymuno drwy gyswllt fideo.

1 Cwestiynau i Ysgrifennydd y Cabinet dros yr Economi, Ynni a Chynllunio

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd i'r Ysgrifennydd Cabinet ar ôl Cwestiwn 2.

[Gweld y Cwestiynau](#)

2 Cwestiynau i Ysgrifennydd y Cabinet dros Iechyd a Gofal Cymdeithasol

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd i'r Ysgrifennydd Cabinet ar ôl Cwestiwn 2.

[Gweld y Cwestiynau](#)

3 Cwestiynau Amserol

(0 munud)

Ni dderbyniwyd unrhyw gwestiynau amserol

4 Datganiadau 90 Eiliad

(5 munud)



5 Dadl ar adroddiad y Pwyllgor Llywodraeth Leol a Thai – Y sector rhentu preifat

(60 munud)

NDM8784 [John Griffiths \(Dwyrain Casnewydd\)](#)

Cynnig bod y Senedd:

Yn nodi adroddiad y Pwyllgor Llywodraeth Leol a Thai, 'Y sector rhentu preifat', a [osodwyd](#) yn y Swyddfa Gyflwyno ar 22 Hydref 2024.

Noder: [Gosodwyd](#) ymateb Llywodraeth Cymru i'r adroddiad yn y Swyddfa Gyflwyno ar 8 Ionawr 2025.

6 Dadl y Ceidwadwyr Cymreig – Chwe mis cyntaf Llywodraeth newydd y DU

(60 munud)

NDM8783 [Paul Davies \(Preseli Sir Benfro\)](#)

Cynnig bod y Senedd:

1. Yn nodi bod Llywodraeth Lafur y DU wedi bod mewn grym am chwe mis yn Ionawr 2025.

2. Yn gresynu bod Llywodraeth Lafur y DU wedi:

a) taro ffermwyr Cymru gyda threth etifeddiaeth newydd;

b) tynnu'r lwfans tanwydd gaeaf i ffwrdd o hanner miliwn o bensïynwyr yng Nghymru;

c) cynyddu costau yswiriant gwladol cyflogwyr yng Nghymru.

3. Yn gresynu ymhellach fod Llywodraeth Cymru wedi methu ag amddiffyn Cymru yn ystod y cyfnod hwn.

4. Yn galw ar Lywodraeth Cymru i wneud y canlynol:

a) gwneud sylwadau brys i Lywodraeth y DU i'w hannog i wrthdroi eu polisïau i gyflwyno treth etifeddiaeth, cael gwared ar y lwfans tanwydd gaeaf, a chynyddu costau yswiriant gwladol cyflogwyr;

b) cyflwyno lwfans tanwydd gaeaf Cymreig os yw'r toriad i'r lwfans tanwydd gaeaf yn parhau i fod ar waith.

Cyflwynwyd y gwelliant a ganlyn:

Gwelliant 1 [Jane Hutt \(Bro Morgannwg\)](#)

Dileu popeth ar ôl pwynt 1 a rhoi yn ei le:

Yn nodi y bu'n rhaid i Lywodraeth y DU wneud penderfyniadau anodd er mwyn dechrau adfer twf yn ein heconomi, sicrhau bod cyllid cyhoeddus yn fwy sefydlog ac ail-fuddsoddi yn ein gwasanaethau cyhoeddus.

Yn croesawu'r cyllid ychwanegol i Gymru gan Lywodraeth y DU yng Nghyllideb yr Hydref Llywodraeth y DU.

Yn nodi'r ffaith bod y penderfyniadau a wnaed gan Lywodraeth Lafur y DU yn ei chwe mis cyntaf yn golygu bod Cyllideb Ddrafft Llywodraeth Cymru yn cynnwys gwerth £1.5 biliwn o gyllid refeniw ychwanegol a gwerth £3 biliwn o gyllid cyfalaf, gan alluogi Cymru i anelu at dwf.

Yn credu y dylai cyllideb Cymru ganolbwyntio i ddechrau ar gyfrifoldebau datganoledig.

7 Dadl Plaid Cymru – Amserau aros y GIG

(60 munud)

NDM8785 [Heledd Fychan \(Canol De Cymru\)](#)

Yn cynnig bod y Senedd:

1. Yn nodi uchelgais y Prif Weinidog i leihau'r amseroedd aros hiraf a chyflymu mynediad at driniaeth GIG.

2. Yn gresynu:

a) bod rhestrau aros y GIG wedi cyrraedd y lefelau uchaf erioed ym mhob mis o gyfnod y Prif Weinidog hyd yma; a

b) methiant Llywodraeth Cymru i gyflawni'r targedau a osodwyd gan y Cynllun Adfer Gofal wedi'i Gynllunio ym mis Ebrill 2022 i ddileu amseroedd aros hir yn gyfan gwbl a chyflymu profion diagnostig ac ymyriadau therapi.

3. Yn galw ar Lywodraeth Cymru i:

a) sefydlu Gwasanaeth Brysbennu Gofal Dewisol i symleiddio'r broses atgyfeirio rhwng gofal sylfaenol ac eilaidd;

- b) cyflwyno hybiau rhanbarthol arbenigol ar gyfer gofal dewisol ledled Cymru; ac
- c) cyflwyno deddfwriaeth i roi Byrddau Partneriaeth Rhanbarthol ar sylfaen statudol gyda chylch gwaith clir i hwyluso cydweithio ar draws byrddau iechyd.

Cyflwynwyd y gwelliannau a ganlyn:

Gwelliant 1 [Jane Hutt \(Bro Morgannwg\)](#)

Dileu popeth ar ôl pwynt 1 a rhoi yn ei le:

Yn nodi bod arosiadau o fwy na 104 wythnos wedi gostwng ddau draean ers iddynt fod ar eu hanterth yn ystod y pandemig.

Yn cydnabod bod Llywodraeth Cymru wedi buddsoddi £50 miliwn yn ychwanegol yng nghynlluniau'r byrddau iechyd i leihau'r amseroedd aros hiraf ymhellach yn 2024–25.

Yn cydnabod camau gweithredu Llywodraeth Cymru i fynd i'r afael â rhestrau aros drwy ddatblygu:

- a) y ganolfan llawfeddygaeth orthopedig ranbarthol yn Ysbyty Castell–nedd Port Talbot;
- b) Ysbyty Llandudno yn ganolfan llawfeddygol orthopedig ar gyfer y Gogledd; ac
- c) y ganolfan ddiagnostig a llawfeddygol yn Llantrisant.

Os derbynnir gwelliant 1, caiff gwelliant 2 ei ddad-ddethol.

Gwelliant 2 [Paul Davies \(Preseli Sir Benfro\)](#)

Dileu pwynt 3 a rhoi yn ei le:

Yn galw ar Lywodraeth Cymru i:

- a) ehangu nifer y canolfannau llawfeddygol a chanolfannau diagnostig;
- b) cynyddu nifer y gwelyau sydd ar gael yn GIG Cymru;
- c) cyflwyno cynllun recriwtio a chadw sylweddol ar gyfer y gweithlu;
- d) sicrhau bod y swm canlyniadol Barnett llawn sy'n deillio o wariant Llywodraeth y DU ar y GIG ar gael ar gyfer GIG Cymru; a
- e) rhoi'r cymorth ariannol sydd ei angen ar Fwrdd Iechyd Addysgu Powys er mwyn osgoi eu cynnydd arfaethedig mewn amseroedd aros am driniaethau trawsffiniol.

8 Cyfnod Pleidleisio

9 Dadl Fer

(30 munud)

NDM8786 [Alun Davies \(Blaenau Gwent\)](#)

Ffordd Blaenau'r Cymoedd – Buddsoddi yn ein heconomi yn y dyfodol.

Cynhelir Cyfarfod Llawn nesaf y Senedd am 13.30, Dydd Mawrth, 21 Ionawr 2025

Cwestiynau Llafar a gyflwynwyd ar 08/01/2025 i'w hateb ar 15/01/2025

Bydd y Llywydd yn galw ar lefarwyr y pleidiau i ofyn cwestiynau heb rybudd ar ôl cwestiwn 2.

YSGRIFENNYDD Y CABINET DROS YR ECONOMI, YNNI A CHYNLLUNIO

Natasha Asghar *Dwyrain De Cymru*

1 OQ62122 (e)

Pa gamau y mae Llywodraeth Cymru yn eu cymryd i wella'r economi yn Nwyrain De Cymru?

Russell George *Sir Drefaldwyn*

2 OQ62088 (e)

Pa gysylltiad oedd gan Lywodraeth Cymru gyda'r National Electricity System Operator ynghylch sicrhau bod ei adroddiad Beyond 2030 yn adlewyrchu anghenion Cymru?

Altaf Hussain *Gorllewin De Cymru*

3 OQ62109 (e)

A wnaiff yr Ysgrifennydd Cabinet ddatganiad ar gyfraniad Llywodraeth Cymru at y Cyngor Dur a'r effaith y bydd yn ei chael ar economi De Cymru?

Tom Giffard *Gorllewin De Cymru*

4 OQ62106 (e)

Pa asesiad y mae Llywodraeth Cymru wedi'i wneud o sut mae polisïau economaidd Llywodraeth y DU o fudd i economi Cymru?

Vaughan Gething *De Caerdydd a Phenarth*

5 OQ62104 (e)

A wnaiff yr Ysgrifennydd Cabinet ddatganiad am y potensial ar gyfer mwy o fuddsoddiad yn y gwyddorau bywyd yng Nghymru?

Cefin Campbell *Canolbarth a Gorllewin Cymru*

6 OQ62118 (e)

Sut mae Llywodraeth Cymru yn gweithio i sicrhau bod cymunedau yng Nghanolbarth a Gorllewin Cymru yn elwa o ynni adnewyddadwy ar y môr?

Buffy Williams *Rhondda*

7 OQ62121 (e)

Sut y bydd Llywodraeth Cymru yn cefnogi trigolion y Rhondda i gael y sgiliau gwyrdd sydd eu hangen ar gyfer swyddi gwyrdd y dyfodol?

Delyth Jewell *Dwyrain De Cymru*

8

OQ62120 (e)

Pa asesiad y mae'r Ysgrifennydd Cabinet wedi'i wneud ynghylch a yw Llywodraeth Cymru yn darparu digon o arian ar gyfer diwylliant a'r celfyddydau?

Sioned Williams *Gorllewin De Cymru*

9

OQ62107 (e)

Sut mae Llywodraeth Cymru yn sicrhau y gall oedolion gael mynediad at hyfforddiant a chymorth cyflogaeth priodol ac effeithiol?

Sam Rowlands *Gogledd Cymru*

10

OQ62114 (e)

A wnaiff yr Ysgrifennydd Cabinet roi'r wybodaeth ddiweddaraf am yr hyn y mae Llywodraeth Cymru yn ei wneud i ddenu twristiaid i Ogledd Cymru?

Jenny Rathbone *Canol Caerdydd*

11

OQ62110 (e)

Pa asesiad y mae Llywodraeth Cymru wedi'i wneud o effaith y cynnydd mewn gwasanaethau dosbarthu cludfwyd yng Nghaerdydd?

Heledd Fychan *Canol De Cymru*

12

OQ62097 (w)

Sut mae Llywodraeth Cymru yn sicrhau dyfodol lleoliadau cerddorol yng Nghanol De Cymru?

YSGRIFENNYDD Y CABINET DROS IECHYD A GOFAL CYMDEITHASOL

Alun Davies *Blaenau Gwent*

1

OQ62094 (e)

A wnaiff yr Ysgrifennydd Cabinet ddatganiad am ddarparu gwasanaethau meddyg teulu ym Mlaenau Gwent?

Russell George *Sir Drefaldwyn*

2

OQ62087 (e)

Sut mae Llywodraeth Cymru yn cefnogi Bwrdd Iechyd Addysgu Powys i sicrhau canlyniadau gwell i gleifion?

Hefin David *Caerffili*

3

OQ62113 (e)

A wnaiff yr Ysgrifennydd Cabinet ddatganiad am gefnogaeth Llywodraeth Cymru i bobl awtistig?

Sioned Williams *Gorllewin De Cymru*

4

OQ62095 (d)

Beth mae Llywodraeth Cymru yn ei wneud i gefnogi iechyd meddwl pobl ifanc?

Carolyn Thomas *Gogledd Cymru*

5

OQ62119 (e)

Sut mae Llywodraeth Cymru yn cefnogi cydweithio rhwng byrddau iechyd ac awdurdodau lleol?

Cefin Campbell *Canolbarth a Gorllewin Cymru*

6

OQ62117 (e)

A wnaiff yr Ysgrifennydd Cabinet ddatganiad am ddarparu gwasanaethau strôc yng Nghanolbarth a Gorllewin Cymru?

Peter Fox *Mynwy*

7

OQ62112 (e)

Pa asesiad y mae Llywodraeth Cymru wedi'i wneud o effaith contractau newydd meddygon teulu ar ofal cleifion?

Sian Gwenllian *Arfon*

8

OQ62096 (w)

A wnaiff yr Ysgrifennydd Cabinet roi diweddariad am benderfyniad Bwrdd Iechyd Prifysgol Betsi Cadwaladr i anfon yr holl waith ymlediad aortig allan o ogledd Cymru, a beth yw'r cynllun tymor hir ar gyfer adfer gwasanaethau fasgiwlar llawn a diogel yn y gogledd?

Darren Millar *Gorllewin Clwyd*

9

OQ62102 (e)

A wnaiff yr Ysgrifennydd Cabinet ddatganiad am berfformiad y GIG yng Ngogledd Cymru?

Lee Waters *Llanelli*

10

OQ62098 (e)

Pa gamau mae Llywodraeth Cymru yn eu cymryd i ddefnyddio deallusrwydd artiffisial i gynorthwyo gyda chymryd nodiadau ar draws maes iechyd a gofal cymdeithasol?

Natasha Asghar *Dwyrain De Cymru*

11

OQ62086 (e)

Sut mae Llywodraeth Cymru yn cefnogi gwasanaethau strôc yn Nwyrain De Cymru?

Joyce Watson *Canolbarth a Gorllewin Cymru*

12

OQ62103 (e)

A wnaiff yr Ysgrifennydd Cabinet roi'r wybodaeth ddiweddaraf am yr hyn y mae Llywodraeth Cymru yn ei wneud i godi ymwybyddiaeth o ganserau â chyfraddau goroesi is?